

Kavamatkunnin Tuhaqtitaudjutikhaq

Aviktuqhimajumi Aanniaqtunun ukualu Ilagiiktut Ilauqatigiingnirmun Upalungaijautit

Aullaqtirvia Ublua: Ubluqtuhivia 11, 2023
Nutqarvighaa Ublua: lidjirurvia 3, 2023
Nunavut-tamaat

75 sec

Havagviat Aanniaqtailinikkut havaligtait Aviktuqhimajumi Aanniaqtunun ukualu Ilagiingnirmun Upalungaijautit tunihjaamingni nunallaani ilaujunun pijaghanik tunihinirmun uqagahamingnik uqautigijainiklu aanniaqtailinirmun kivgaqtuutikkut Nunavunmi.

Uvani upin'ngaarmi, Havagviat Aanniaqtailinikkut katimapkainiaqtut qaffini Nunavunmi nunallaani katitiqlugit uqagahait uqautigijaillu hapkunanga Inuit timiinini, Inirnighat, haamlat, nunallaani ilaujut, aanniaqtailinirmun havaktit hivuliqhuqtullu.

Aaniaqtunut ilauqatigiingniq humi aanniaqtut, ilagiit, aanniaqtailinirmunlu ajuitiaqhimajut aulajumik havaqatigiiklutik ihuaqhiuumiriangani aanniaqtailinirmun munaridjutit qanuriniit. Ilaujut havaklugit hivitujumik-pidjutiqaqtut, pitiarnirmun ilauqatigiigutit humi ilihimajut atuqpakhimajut aanniaqtailinirmun auladjutainun qaitqujaujut. Humi aanniaqtut ilagiillu ilaujut uqautigijaunirmun aanniaqtailinirmun ihuaqhaidjutinun, pidjutiqaniaqtuq nakuutqiamik munaridjutit atungniinun nakuutqiamiklu aanniaqtailinirmun qanuriniit.

Ilauatigiingniq qanuriliurut huldjutinun tapkua Inuit Qaujimajatuqangit hivunighaliurutainun hapka Aajiqatigiinni (ihumaliuqatiriingnirmun uqautiginikkut angirutikullu), Piliqatigiinni (havaqatigiingnikkut atauhirmun) unalu Qanuqtuurniq (ihuaqhatiarnikkut ikajungnikullu qiniqhiablutik ihuaqhaidjutighanik).

Havagvia aanniaqtailinirmun aghuuqtut pidjutigilugit nipiit Nunavunmiut upalungaijautinun tunihinirmunlu aanniaqtailinirmun kivgaqtuutit avatiini aviktuqhimajup. Nunallaani ilauniq akhuurutaujuq uumunnga havaamut. Qiniqhimalugit hivumut naunaijautit qanuqtut tunihijaani ugautiqijumajarnik.

###

Victoria Morgan
Tuhaqtipkainirmut Ajuittuq
Aanniaqtailinikkut Havagvia
867-975-5949
vmorgan2@gov.nu.ca

News releases are available in Inuktitut, English, Inuinnaqtun and French on www.gov.nu.ca.
Tuhagtaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.

Tuhaqtipkaijiit